

Ngakchia le Mino Himnak Buu pawl (Child and Youth Safe Organisations) Upadi tungtlang caah timhcia na si maw?

Ngakcia le Mino Himnak Buu Upadi tungtlang (Child and Youth Safe Organisations Framework) (upadi tungtlang) cu zeidah a si?

- Nan buu kha ngakchia le mino pawl he pehtlainnak a ngeimi a si ahcun, kum 2024 thawk in Ngakchia le Mino Himnak Buu pawl Upadi tungtlang he zulh dingah upadi ningin fial khawh a si.
- Hi a thar upadi lei a herhmi pawl cu buu lei umtuning pawl ah ngakchia le mino pawl him tein chiahnak kong a si.
- Adang Australia pine pawl ah hmuh khawh a simi aa lomi upadi lei a herhmi pawl nih ngakchia le mino runvennak nawl ngeih peng dingah an thiamnak pawl kha an thawnter.

Upadi tungtlang cu aho nih dah a hman?

- A hlei in ngakchia pawl caah riantuanpiaknak a pemi, asilole an zohkhenhnak tangah ngakchia nih hman awk ah a hlei in hmunhma pawl a pemi buu pawl.
- Buu pawl nih a zulh dingmi cheukhat tahchunhnak pawl ah aa telmi cu:
 - nau zohkhenhnak le nau-umnak lei riantuanpiaknak
 - ngakchia aa telmi asilole ngakchia chungtel aa telmi buu le riantuantinak buu
 - zumhnak lei hrambunh phu pawl asilole biaknak lei buu pawl nih an kalpimi cawlcanghnak pawl asilole upa pawl nih ngakchia pawl he pehtlainnak hmangin riantuanpiaknak pawl.

Zeidah tuah ka herh dingmi a si?

- Upadi tungtlang ah hin Ngakchia le Mino Himnak Tahfung pawl (Child and Youth Safe Standards), le Ripawt khawhmi Tuahsernak lei Timhtuahmi (Reportable Conduct Scheme) a pahnih in an i tel.
- Ngakchia le Mino Himnak Tahfung pawl cu tlaihtleng 10 an si i buu pawl nih ngakchia le mino pawl he pehtlainnak an ngeih tikah a takin an hman hrimhrim lai. Ngakchia le Mino Himnak Tahfung pawl kha a takin hmanna dingah, buu pawl nih Aboriginal Nunphung Himnak caah Vawlei cung huap Phung ning (Universal Principle for Aboriginal Cultural Safety) sin ah hnorsuannak an pek hrimhrim fawn lai.
- Ripawt khawhmi Tuahsernak lei Timhtuahmi cu a thar a si i, tuah hrimhrim dingmi timhtuahnak (compulsory scheme) nih cheukhat buu pawl i hruaitu pawl kha riantuantu aa telmi ngakchia volhpamhnak he pehtlainnak a ngeimi tuahsernak kong i siaherhmi pawl kha ripawt ding le dothlat dingah a fial.
- Upadi tungtlang zulh a herhmi buu pawl nih a thar upadi lei an tuanvo pawl tlinh dingah bawmhnak an ngah lai i rak tuah cangmi thil pawl an si kho men a sullam cu an zulh cuahmahmi tinak a si.

Ngakchia le Mino Himnak Tahfung pawl (Child and Youth Safe Standards)

Ngakchia le Mino Himnak Tahfung pawl cu tlaihtleng 10 an si i buu pakhat nih amah hmunhma ah ngakchia himnak le thatnak he nunphung a thanchoter khomi kong kha a langhter.

Ngakchia le Mino Himnak Tahfung pawl cu hihi tuah dingah suaisamh an si:

- ngakchia le mino pawl himnak le thatnak thanchoter ding
- ngakchia le mino pawl cungah volhpamhna le fah peknak runven ding
- ngakchia le mino pawl nih an herhmi tlinhter dingah tonternak a tuah mi buu tahfung ser ding
- hi thil pawl a takin hngalh dingah nifatin an tuahsermi ah ngakchia le mino pawl kha behchihmi tuahtoning pawl ah tonternak a tuahmi buu pawl siter hrimhrim ding.

Tahfung 10 dihlak kha a takin tuahna ah, buu pawl nih [Aboriginal Nunphung lei Himnak \(Aboriginal Cultural Safety\)](#) caah Vawlei cung huap Phung ning (Universal Principle) tiah auhmi pakhat khat ah hnorsuannak an pek hrimhrim fawn lai.

Vawlei cung huap Phung ning nih Aboriginal asilole Torres Strait Islander i Nunphung lei Himnak (Cultural Safety) ngakchia pawl upat piaknak nawl a fehtermi buu pawl nih pawngkam a pek hrimhrim lai tiah a langhter.

Tahfung 10 hna cu:

Tahfung 1: Ngakchia himnak le thatnak cu buu lei hruainak, uknak le nunphung ah behchihmi a si.

Tahfung 2: Ngakchia le mino pawl cu an covu pawl kong chimh an si i, anmah a hnorsuang dingmi biakhihna pawl ah an i tel i thuk piin tuahto an si.

Tahfung 3: Innchungkhar pawl le mibu pawl cu ngakchia himnak le thatnak lei thanchoternak kong chimh an si i an i teltum.

Tahfung 4: I ruannak cu fek tein i tlaih a si i pawlasi le tuahsernak ah idannak nih upatnak kha a herh.

Tahfung 5: Ngakchia le mino pawl he riantuanti minung cu aa remmi an si i a takin tuahsernak ah ngakchia himnak le thatnak lei tahfung pawl langhter dingah bawmh an si.

Tahfung 6: Phunzainak le siaherhmi pawl lehnak tuahto ning pawl ah ngakchia cu papek an si.

Tahfung 7: Zung riantuantu le zaangleicawi riantuantu pawl cu a kal ziahmahmi fimcawnnak le cawnnak hmangin ngakchia le mino pawl him tein chiah dingah theihhngalhnak, thiamnak le hngalhnak he timhtuah a ngeimi an si.

Tahfung 8: Ngakchia le mino pawl fahternak lam tlawmter lio ah takpum lei tonnak le online in riantuannak thil sining pawl nih himnak le thatnak kha a thanchoter.

Tahfung 9: Ngakchia le Mino Himnak Tahfung i Atak riantuannak cu punghmaan in zohfel le thanchoter a si.

Tahfung 10: Pawlasi le tuahto ning pawl nih ngakchia le mino pawl caah bu cu zeitindah a himmi a si kha a fehter.

Ngakchia le Mino Himnak Tahfung pawl cu [Ripawt khawhmi Tuahsernak lei Timhtuahmi \(Reportable Conduct Scheme\)](#) nih a chapchuanmi an si i cucu Ngakchia le Mino Himnak Buu pawl lei Upadi tungtlang (Child and Youth Safe Organisations Framework) i adang a biapimi thil a si.

Ripawt khawhmi Tuahsernak lei Timhtuahmi

Ripawt khawhmi Tuahsernak lei Timhtuahmi cu felfai tein, phehthuhmi um lo tein, a himmi le ngakchia papekmi lam in ngakchia le mino pawl thatnak kong dothlatmi lungretheihnak pawl he tonternak a tuahmi buu pawl kong a si.

Hihi cu zeitindah hi dothlatnak pawl cu tuah a si timi a zohfeltu Amah tein a dirmi Phungphai zohfeltu (Independent Regulator) nih zohkhenhmi a si, an thiamnak pawl le cu tuahnak dingah mah le mah izumhnak kha buu pawl thazaanghawnternak lei bawmhnak tinhmi he.

A fiang bakmi buu pawl i hruaitu pawl fialnak hmang in hihi tuah a si:

- an buu ah ngakchia volhpamhnak ah aa telmi riantuantu he pehtlainhak a ngeimi lungretheihnak pawl kha [Amah tein a dirmi Phungphai zohfeltu](#) ah ripawt pek ding le
- hi siaherhmi pawl dothlat.

'Riantuantu' tikah, zaanghleicawi riantuantu pawl zong kan chimduhmi a si.

Ripawt khawhmi tuahsernak ah aa telmi cu:

- a biapimi thinlung umtuning asilole lungthin umkalning lei fah peknak
- a biapimi daithlanhnak
- takpum lei puarhrannak
- nupa sinak tuahnak lei nawlbuarnak
- nupa sinak ningcang loin tuahnak
- thiltha lo tuahnak caah timhtuahnak
- ngakchia volhpamhnak le nu chiatha hrawhnak kong ripawt pek loin umnak tibantuk pehtlainhak a ngeimi nawlbuarnak pawl.

A tak in Ripawt khawhmi Tuahsernak lei Timhtuahmi rian a tuan ning:

- Riantuan ni nithum chungah: Hruaitu pawl nih ripawt khawhmi tuahsernak cu Amah tein a dirmi Phungphai zohfeltu sin ah catialmi in ripawt a tuah hrimhrim lai. A hrampi thilsining pawl kongkau an pek hrimhrim lai tibantuk:
 - riantuantu i min, hngalh a si ahcun, chuah nithla
 - ripawt khawhmi tuahsernak lei puhnak a tuahtu, asilole ripawt khawhmi tuahsernak a tuah tiah hmuhmi rikawt tuahmi, riantuantu
 - ripawt khawhmi puhnak cu sualnak lei ziaza a si ahcun, Tasmania Palik kha thawngthan an si ahcun
 - buu i min, umnak leihsa, le telefon nambar
 - buu hruaitu i min.
- **A ran khawh chung rang in:** Hruaitu pawl nih dothlatnak an thawk hrimhrim lai (asilole tuah dingah amah tein a dirmi dothlatu a hlaan lai).
- **Ni 30 chungah:** Hruaitu pawl nih a dikthlir thilsining cang pawl kha Amah tein a dirmi Phungphai zohfeltu sin ah a pek hrimhrim lai, hihi telhchih in:

- sualpuhnak asilole sualnak hmuhmi kong thilsining
- cawlcanghnak pakhat khat tuah a si cang maw si cang lo (tahchunhnak ah, riantuantu i ngakchia pawl he pehtlaihna ah rikhiahi chiahnak)
- ca in tialmi apmi pakhat khat.
- **Dothlatnak i a donghnak ah:** Hruaitu pawl nih a tang i thilsining pawl kha Amah tein a dirmi Phungphai zohfeltu sin ah a pek hrimhrim lai:
 - dothlat i thilsining hmuhmi pawl
 - thilsining hmuhmi pawl caah aruang pawl
 - aphi pakhat bantukin cawlcanghank tuahmi pakhat khat kong

Hi dothlatnak pawl cu punghmaan rianhmun i dothlatnak tuahmi pakhat khat he aa lo in ruah khawh a si lai cucu ningcang loin riantuannaka si kho.

Biahal awk na ngeih ahcun, <https://www.justice.tas.gov.au/carcru/framework> ah zoh asilole chawn

A biapimi hmanmi biafang pawl:

Buu pakhat i hruaitu – Buu pakhat i hruaitu cu buu i biakhiahnak caah a bikin tuanvo ngeitu minung a si. Hihi cu tawlrainak lei ah haotu (CEO), hruainak lei ah lubik (hi ah hin rian ngeitu asilole rianpakhat ah tangka a thawh vemi aa tel kho men) asilole buu i hnatlakpi haotu a si kho.

Buu – Kompani, riantuannak buu, asilole riantuantinak buu tibantuk buu pakhat, [Ngakchia le Mino Himnak Buu pawl Upadi tungtlang \(Child and Youth Safe Organisations Framework\)](#) website ah langhter a si.

Upadi lei a herhmi pawl – Buu pawl nih an zulh hrimhrim dingmi phungphai pawl.

Ngakchia pawl – Kum 18 tang minung.

Mino – Kum 16 cung asinain kum 18 tang minung.

Ripawt tuah khawhmi tuahsernak – Buu pakhat i riantuantu aa telmi ngakchia volhpamhnak he pehtlaihna a ngeimi tuahsernak cu, [Ngakchia le Mino Himnak Buu pawl Upadi tungtlang](#) website ah langhter a si.